

ՊԱՇՏՈՆԱԿԱՆՔ

**Ն. Ս. Օ. Տ. Տ. ԳԱՐԵԳԻՆ Բ. ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ
ԽՈՍՔԸ ԻՐ ԾՆՆԴՅԱՆ 60-ԱՄՅԱԿԻ ԵՒ ԳԱՏԱԿԱՆՈՒԹՅԱՆ
12-ԱՄՅԱԿԻ ԱՌԻԹՈՎ ԱԼ. ՍՊԵՆԴԱՐՅԱՆԻ ԱՆՎԱՆ
ՕՊԵՐԱՅԻ ԵՒ ԲԱԼԵՏԻ ԹԱՏՐՈՆՈՒՄ**
(4 նոյեմբերի, 2011 թ.)

Մեծարգո Նախագահ Հայաստանի Հանրապետության
Մեծարգո Նախագահ Լեւոնային Ղարաբաղի Հանրապետության
Գերաշնորհ, Հոգեշնորհ, Արժանապատիվ հայրեր,
Հարգարժան պետական այրեր, դիվանագիտական առաքելությունների
ներկայացուցիչներ,
Մեծարգո բարերարներ, մշակույթի և գիտության գործիչներ,
Սիրելի բարեպաշտ զավակներ մեր Սուրբ Եկեղեցու.

Խորապես զգացված ենք Ձեր ներկայությունից և ուրախ ու քաջալեր սրտով
ողջունում ենք Ձեզ, որ Հայաստանի ու Արցախի փարբեր շրջաններից, Սփյուռ-
քի փարբեր գաղթօջախներից համախմբվել եք այս սրահում՝ մասնակցություն
բերելու Մեր ծննդյան 60-ամյակին և գահակալության 12-ամյակին նվիրված
հանդիսությանը: Ձեր ներկայությունն այսպեղ և Ձեր սերը առ մեր Սուրբ Եկե-
ղեցին առավել պարսավորեցնում են Մեզ և մեր եկեղեցական դասին Հայ
Եկեղեցուն ծառայելու առաքելության մեջ, որին Դուք սափար ու աջակից եք
Ձեր ամեն կարելիությամբ, Ձեր նվիրումով և հավատարմոր հանձնառությամբ:
Զգացված ենք Ձեր ջերմ շնորհավորանքներից և բարեմաղթանքներից, մեծար-
գո Նախագահ Տիար Մերժ Սարգսյան և մեծարգո Նախագահ Տիար Բակո Սա-
հակյան: Ձեր մշտական և ազնիվ ուշադրությունը մեր Եկեղեցու հանդեպ և Ձեր
մասնակցությունը այս հանդիսությանը եւս մեկ վկայություն է առ Հայ Եկեղեցին
հայրենի պետության նախանձախնդրության և մեր ժողովրդի կյանքում նրա
առաքելության ու դերի կարևորման: Եղբայրական Մեր սերն ենք հղում մեր
Եկեղեցու Նվիրապետական Աթոռների գահակալներին, որ բերկրաշաղ այս
օրերին Մեր կողքին եղան իրենց ներկայացուցիչներով՝ փոխանցելով իրենց
սրտի ջերմ զգացումները Մեզ:

Եկեղեցական ծառայության անդաստան առաջնորդվեցինք ունենալով Մեր հոգում ջերմ փափագը՝ բերելու Մեր ջանքերն ու նվիրումը մեր ժողովրդի հոգևոր կյանքին, նրա բարօրությանն ու առաջընթացին և լուսավոր գալիքի հույսերին: Այս ձգքումն առաջնորդեց Մեզ ամենուր, Մեր ամեն պատասխանատվության մեջ՝ հովվության, առաջնորդության և Ամենայն Հայոց Կաթողիկոսի պաշտոնում, որին կոչվեցինք կամոքն Աստծո և ընտրությամբ ազգի: Լուսավորչի Գահին բարձրացանք նորոգելով ծառայության Մեր ուխտը մեր ժողովրդի վերածնված ու միասնական կյանքի փնտիքով: Աստծո օրհնության ու գորակցության հայց ու աղոթքով խոնարհվեցինք Տիրոջ Իջման Սուրբ Մեղանին, Սուրբ Մաշտոցի նվիրական շիրիմին և Երուսաղեմի փերումական սուրբ փեղյաց: Եղբայրական սիրով այցելեցինք Քույր եկեղեցիների հոգևոր պետերին՝ ամրապնդելով բարի հարաբերությունները մեր Եկեղեցիների, այցելեցինք մեր Եկեղեցու աշխարհասփյուռ թեմեր՝ մեր ժողովրդին Սուրբ Էջմիածնի օրհնությունը բաշխելով, հավաքքի մեջ գորացնելով և հորդոր ու պատգամ բերելով ամուր պահելու հայ ինքնությունն ու հայ կյանքը: Գոտեպնդվեցինք ականապես լինելով Մայր Աթոռի և Հայրենիքի սիրով ապրող մեր ժողովրդի հոգևոր վերաբերությանը և ազգային նորոգված հույսերին: Այսպես՝ քաջալեր ու հուսադրված սրտով սկսեցինք Մեր ուղին՝ որպես Հայ Եկեղեցու առաջին սպասավորը:

Որոշիչ և պատասխանատու էինք համարում ժամանակը, երբ մեր եկեղեցական կյանքի հրամայականներն ու անհրաժեշտությունները օրեցօր ավելի զգալի էին դառնում մեր կյանքի արմատապես փոխված և փոփոխվող իրավիճակներում: Վերափոխությունների պայման ու սկիզբ էին Հայրենիքի անկախությունը և Արցախի ազատագրությունը: Հայրենի պետականության վերականգնումով մեր Եկեղեցուն վերադարձվել էր գործելու ազատությունը, հնարավոր էին դարձել Հայրենիք-Սփյուռք անկաշկանդ առնչությունները, ջանքերի համախմբումը աշխարհասփյուռ մեր զավակների՝ ի խնդիր հայրենանվեր ու եկեղեցաշեն նպատակների ու իղձերի իրագործման: Ազգային մեր կյանքի բարի առավոտը լի էր հույսերով և օր օրի գորացող արգասիքներով: «Ահա ժամանակ ընդունելի», երբ, ինչպես հավատում էինք, առաքորեն պիտի օրհնվեին մեր ժողովրդի ջանքերը:

Ամենայն Հայոց Հայրապետի պատասխանատվությունը սրանձնեցինք մեր Եկեղեցու պայծառությանը կոչված ծրագրեր իրականացնելու և ազգային մեր կյանքում Եկեղեցու առաքելությունը գորել ներկայություն դարձնելու փառականով, որի համար անկախ պետականության առաջին փորիններին ջանացին երջանկահիշատակ Մեր նախորդները՝ Վազգեն Ա. և Գարեգին Ա. Հայրապետները: Գործունեության որոշակի առաջնահերթություններ կարևորեցինք

նպատակ ունենալով լիարժեքորեն կազմակերպված դարձնել եկեղեցական կյանքը, գորացնել քրիստոնեական ճանաչողությունը մեր ժողովրդի, հասակ առնող մեր զավակներին սնել ու կրթել մեր հայրերի սուրբ հավատքով, քրիստոնեական արժեքներով ու հայրենական ավանդներով, արդյունավորել Մայր Աթոռի հայահավաք առաքելությունը՝ մեր Տիրոջ Հիսուսի եւ հայրենեաց սիրով: Միշտ չէ, որ դյուրին եւ հարթ էին Մայր Աթոռի եկեղեցաշեն ծրագրերի իրագործման ընթացքները, միշտ չէ, որ առկա էին կամ լիովին փաստելի հնարավորությունները: Գոհություն Աստուծո, ունեինք գլխավորը՝ աջակցությունը մեր ուխտյալ հոգևոր դասի, գորակցությունը հայրենի պատրիարքի եւ հավատավոր մեր ժողովրդի: Անցած փասներկու փարիների ձեռքբերումները, որոնցով այսօր ուրախ ենք, արդյունք են համայն մեր ժողովրդի գիտակցության ու ձգտումի՝ վերականգնելու հայրենյաց ավանդն ու ժառանգությունը եւ ապրելու առ Քրիստոս հավատքով, արդարությամբ, իր լուսավոր կյանքի վստահությամբ:

Հավատքի նորոգության, ազգային զարթոնքի եւ լավատեսության բացառիկ առիթներ եւ պայծառ վկայություններ եղան քրիստոնեական մեր կյանքի նշանակալի հիշատակների փոնակափարությունները՝ Հայաստանում քրիստոնեությունը պետական կրոն հռչակման 1700-ամյակը, 1600-ամյակը Հայոց Գրերի գյուրի եւ 1000-ամյան՝ Նարեկի: Մեր ժողովուրդը աղոթքով համախմբվեց նոր կառուցված եւ վերանորոգված եկեղեցիների օծման, սրբալույս մյուռոնի օրհնության, ազգային եւ եկեղեցական փոնների առիթներով, ցնծությամբ եւ հպարտությամբ փոնախմբեց Հայաստանի Հանրապետության անկախության 20-ամյակը, խանդավառությամբ նշանավորեց Հայաստանում եւ Սփյուռքում մեր պատմական վանքերի եւ փառարանների, ազգային հաստատությունների փարեղարձները, մեր մեծերի հոբելյանները եւ մշակութային հիշարժան իրադարձությունները: Այսօր մեծ ուրախությամբ ենք անդրադառնում, որ առիթներ ունեցանք մեր Եկեղեցու բարձր գնահատանքին արժանացնելու եւ պարգևներ ու օրհնության գրեր հանձնելու գիտության, կրթության ու մշակույթի բազմաթիվ գործիչների՝ իրենց ջանքերի ու վաստակի համար, բարեջան բազմաթիվ եկեղեցականների, բարերարների ու նվիրյալ հավատացյալների՝ մեր Եկեղեցուն մատուցած ծառայությունների համար: Տիրոջ օրհնությամբ ձեռքբերումներ ունենք մասնավորաբար եկեղեցականների պատրաստության, եկեղեցաշինության, գրահրապարակչության, քրիստոնեական դաստիարակության ու քարոզչության բնագավառներում: Եթեր հեռարձակվեց «Շողակաթ» հեռուստաալիքը, հանրակրթական դպրոցներում ներառվեց «Հայ Եկեղեցու պատմություն» առարկան, նոր սկիզբ փրվեց հոգևոր սպասավորությանը Հայոց բանակում, կալանավայրերում եւ հիվանդանոցներում: Կյանքի կոչվեցին կարիքավորներին աջակցության սոցիալական ծրագրեր: Գոհունակությամբ ենք անդրադառ-



Վեհափառ Հայրապետի ելույթը

նում, որ բարեկարգվել ու բարեգարդվում է նաև Մայր Աթոռ Սուրբ Էջմիածինը: Նորակառույցներն ու պարամական շենքերի նորոգությունները և սրեղծված առանձին կառույցներն ու բաժինները նպաստում են առավել համակարգված ու արդյունավետ իրականացնելու Մայր Աթոռի գործունեությունը: Այս արդյունքները և ձեռքբերումները հուսալի սկիզբ են, որոնք հիմք ու նախադրյալ պիտի դառնան մեր Եկեղեցու գործունեությունը համարժեք դարձնելու մեր ժողովրդի սպասումներին և ժամանակի պահանջներին:

Մեզ համար ուրախություն է, որ Մայր Աթոռի գործունեությանը սափար ու նեցուկ է հայրենի իշխանությունը: Սահմանադրական դրույթով ամրագրվել է Հայաստանյայց Առաքելական Սուրբ Եկեղեցու բացառիկ առաքելությունը հայ ժողովրդի հոգևոր կյանքում, մշակույթի զարգացման ու ինքնության պահպանման գործում: Առանձին օրենքով կարգավորված են Եկեղեցի-պետություն հարաբերությունները: Մեր պարամությունը լավագույնս վկայում է, որ պետական և եկեղեցական կյանքի ներշնչալի ու ներդաշնակ ընթացքը օրինյալ արգասիքներ է պարգևում, որոնցով, հավատում ենք, պիտի գորանան ու պայծառանան նաև ներկան ու գալիքը մեր Հայրենիքի: Հայ Եկեղեցուն բերած գորակցության համար Մեր գնահատանքն ու շնորհակալությունն ենք հայտնում Հայաստանի Հանրապետության Նախագահ փխար Սերժ Սարգսյանին և Լեռնային Ղարաբաղի Հանրապետության Նախագահ փխար Բակո Սահակյանին և հայրենի մեր երկրի իշխանություններին, ինչպես և՝ Հայաստանի և Արցախի նախորդ նախագահներին և պետական այրերին:

Այս պահին ափսոսանքով և ցավով վերհիշում ենք նաև նախընթաց փարիների ընթացքում ունեցած կորուստները, Վրաստանում փլուզված հայկական եկեղեցիները, Ադրբեջանի կողմից Ջուղայում ոչնչացված հազարավոր իսաջարերը: Խոր մարահոգություն են շարունակում մնալ Հայաստանի սահմաններից դուրս եկեղեցական կալվածքների կորուստները, ոքնձգությունները հայկական եկեղեցիների ու սրբափղիների հանդեպ, որոնց պահպանման ուղղությամբ ի գործ է դրվում ամենայն ջանք, նաև՝ հայրենի պետության կողմից: Ունեցանք եկեղեցականների ցավալի կորուստներ՝ ինչպես փարիքով, այնպես և՝ երիփասարդ, որոնց հիշում ենք աղոթքով և գնահատանքով: Հայրական ափսոսանք և դառնություն ապրեցինք կարգազանցության պարճառով և իրենց ցանկությանը եկեղեցական ծառայությունը թողած կարգալույծ հոգևորականների համար:

Այսօր, երբ ժամանակ է անդրադարձ կափարելու, հիշում ենք նաև անցած փասնամյակում մեր ժողովրդի կյանքը խռոված իրադարձությունները՝ ահաբեկչությունը Ազգային ժողովում, նախագահական ընփրությունների, մարփի 1-ի ողբերգական դեպքերի առիթներով հուզումներն ու փազնապները, որոնց

առջև մտահոգված՝ մեր ժողովրդին կոչեցինք զգաստության, ջանքեր գործադրեցինք, որ չվաճակվի մեր պետականությունը և խաղաղության ու կայունության մեջ հնարավորություն ընձեռվի վճռելու հուզող խնդիրները: Ազգային մեր կյանքը խռովող դժվարությունների, մեր ժողովրդին հուզող ու անհանգստացնող երևույթների դիմաց Եկեղեցին չի եղել երբեք լուռ ու անարար, ինչում հաճախ քննադատվում ու մեղադրվում է՝ երբեմն անտեղյակությամբ, միամիտ սրբով, երբեմն՝ դիտավորությամբ ու չարամտությամբ: Եկեղեցին երբեք չի որդեգրել հաճոյական կեցվացք ո՛չ իշխանությունների, ո՛չ որևէ շարժումի և քաղաքական կուսակցության նկատմամբ, կամ խոսել և գործել հանրային կարծիքը շահելու սիրտով: Եկեղեցին առաջնորդվել է նախանձախնդիր մնալով համայն մեր ժողովրդի ու պետության շահերին՝ վեր մնալով հաղթանակալի շահեր արտահայտող դիրքորոշումներից ու հեղափոխություններից: Նայելով պետության հանդեպ Նայ Եկեղեցու դիրքորոշումը մեկն է և նույնը բոլոր ժամանակներում՝ գորակից լինել նրա ամրությանը, հզորությանն ու բարօրությանը, մեր ժողովրդի մեջ խնամել հավատը, սերն ու միությունը: Այս դիրքորոշման մեջ է մեր Եկեղեցին փնտրում իր հեղինակությունը, և այս նպատակին է նաև ծառայում նրա առաքելությունը: Խնդիրներին ու դժվարություններին հանդիման Եկեղեցին Ավետարանի քարոզչությունն է բերում, որպեսզի մարդը հոգով նորոգվի և վերափոխվի, քանզի հասարակության հոգևոր և մարմնոր առաջընթացն է գլխավոր պայմանը կյանքի բարեփոխման ու զարգացման: Ավետարանը Քրիստոսով մեր փրկության բարի լուրի հետ պատվերն է բերում՝ «հագեք լուր մարդը, որ սրբեցնու՞մ է ըստ Աստծու՝ արդարությամբ և ճշմարիտ սրբութեամբ» (Եփես. Դ 24):

Աստված որքան Մեզ կյանք շնորհի, որքան ուժ և հնարավորություններ պարգևի, պիտի ծառայեցնենք մեր Եկեղեցու պայծառությանը: Ազգային և եկեղեցական մեր կյանքի գործնական և բարեկարգման կարևորագույն պայման է և Մեր գերագույն պարտքը բարի ավարտի հասցնել՝ մեր Եկեղեցու Նվիրապետական Աթոռների հետ գործակցաբար, Նայ Եկեղեցու Սահմանադրության կազմումը, Ազգային-եկեղեցական Ժողովի լիարժեք գործունեության վերականգնումը, աստվածաբանական, ծիսական, բարոյական, սոցիալական, հայեցակարգային հարցերի նկատմամբ Նայ Եկեղեցու դիրքորոշման հստակ բանաձևումները, որով ավելիով պիտի արդյունավորվի մեր Եկեղեցու առաքելությունը ազգային կյանքում: Ջանքեր պիտի բերենք այնպիսի հեռանկարների կենսագործմանը, որպիսիք են ծիսական համայնքների լիարժեք կազմակերպումը բոլոր կառույցներով, վանական կյանքի վերակոչումը՝ աղոթական ոգով ու գիտնական վարդապետների գործունեությամբ, հոգևոր կյանքի գորացումը՝ դրսևորված ոչ միայն բարեպաշտությամբ, այլ նաև հավատքի գրագիտությամբ:

յամբ: Քրիստոնեությունը սոսկ ավանդույթ չէ, մեր հավաքքն է: Ժամանակն է, որ մեր ընդհանուր, բազմակողմանի կրթվածության հեղափոխությունը լինենք նաև քրիստոնեական մեր ճանաչողության մեջ, մեր Եկեղեցու ծեսի ու դավանանքի, պատմության հարցերում: Մեր ժողովուրդը, որ ջերմ սիրով կապված է Հայ Եկեղեցուն, պետք է նաև գիտակցի ինչի հավաքքի սկզբունքներին ու պահանջներին և ապրի ու առաջնորդվի դրանցով: Այս փասանկյունով են գնահատվում եկեղեցական կյանքում մեր բոլոր ձեռքբերումները և այս նպատակով պիտի շարունակի ուղղորդվել ու ամրապնդվել մեր Եկեղեցու գործունեությունը, որպեսզի հաղթահարենք բաց թողնված ժամանակը և բոլոր առումներով լրացնենք մեր ունեցած կորուստները, վերականգնենք ավերները: Մենք լավաբեր ենք, որ Մեծի Տանն Կիլիկոյի Կաթողիկոսության հեղափոխությունների առկա վիճակը պիտի առաջնորդի հաղթահարելու ներկեղեցական պատակությունը և վերականգնելու կանոնական վիճակը:

Մեր Եկեղեցին պիտի շարունակի իր առաքելությունը մեր Հայրենիքի խաղաղ, ապահով, բարօր ու բարեշեն կյանքի համար: Հայրենիքը հույսի խարխիւն է համայն հայության: Ի սկիզբում աշխարհի մեր ժողովուրդը նայում է Հայրենիքին ինչպես իր գալիքին, որը պատկերացնում է երջանկավետ, հավաքքով պայծառ, գիտությամբ ու մշակությամբ ծաղկուն, հայրենի քուն և ապավինություն համայն հայոց համար: Վերստին Մեր գնահատանքն ու օրհնությունն ենք բերում ազնիվ ու մեծահոգի բարերար գավակներին մեր ժողովրդի, ովքեր՝ ի սեր հոգևոր և ազգային մեր կյանքի պայծառության և մեր Հայրենիքի հզորության, հովանավորում են եկեղեցիների, կրթական, մշակութային, բարեսիրական ու ազգային հասարակությունների կառուցումները, հոգում դրանց գործունեությունը, իրականացնում բազմապիսի փնտրանքային ու սոցիալական ծրագրեր Հայաստանում, Արցախում և Սփյուռքում: Մասնավոր Մեր գնահատանքն ենք բերում Հայ Բարեգործական Ընդհանուր Միության բարեջան անդամներին՝ ի գլուխ Միության նախագահ փեսա Պերճ Սեդրակյանի, Տիկին Լուիզ Մանուկյան-Սիմոնի ու Մանուկյան ընտանիքին և Մայր Աթոռի առաքելությանը աջակից բոլոր բարերարներին, ովքեր որդիական սիրով ու նվիրումով հնարավորություն ընձեռեցին բարեգործելու մեր հոգևոր նվիրական կենտրոնը, կյանքի կոչելու Մայր Աթոռի ծրագրերը: Մեր օրհնությունն ու գնահատանքն ենք բերում Գերագույն Խորհրդի, թեմական և ծխական վարչությունների պատվարժան անդամներին, մշակույթի և կրթության գործիչներին, ովքեր իրենց նվիրումով արգասավոր են դարձնում գործունեությունը մեր եկեղեցական և ազգային հասարակությունների: Հայրապետական սիրով Մեր օրհնությունն ենք հղում համայն մեր ժողովրդին, որ առ Աստված ապավինությամբ, լավաբեր հոգով,

ազնիվ նվիրումով ու արդար աշխատանքով կառուցում է իր լուսավոր ու հավա-
քաշեն գալիքը:

Միլեիկներ, այսօրվա Մեր պարգամը ձեզ և մեր ողջ ժողովրդին ի սփյուռս
աշխարհի, դարերով հնչած նույն հորդորն է Նայրապետական՝ մնանք համա-
խումբ մեր Եկեղեցիով ու Նայրենիքով: Մեր ամեն կարելիությամբ գորավիզ լի-
նենք հայրենի պետությանը, ծառայենք մեր ժողովրդի կյանքի առաջընթացին,
շենացմանն ու բարգավաճումին:

Աղոթենք և հայցենք, որ մեր կյանքը լինի մշտապես Աստծո ողորմության
ու շնորհի ներքո և խաղաղությունը լինի մեր ուղեկիցը ամենուր Նայրենիքում ու
Սփյուռքում, և ազգս հայոց ապրի հույսի, հավատի և սիրո երկնահեղ շնորհնե-
րի ներքո՝ այսօր և միշտ. ամեն: